

Lounes Matoub

Eiu socu lu pocu è micca
Di spatrunata diffarenza
U senza voci ch'ì rumbicca
Quiddu ch'in la so lingua pensa

A me lingua di quandu mai
Di senza nomu senza locu
Conta l'ori com'è li guai
È il me sperì d'Ira-Focu

Eiu s'ò, eiu s'ò
Lu pocu e micca

Un crudu silenziu ci teni
L'inghjusta bucia calcica
Ma la me musica litica
Ed eccu aparti li me veni

U silenziu più chè li muri
Eccu la quì, la sorti inghjusta!
Ma la me musica hè la brusta
Ormai lu me sangu curri!

Cresci immensa la vuciarata
Di u senza tarra nè nomu
Ch'ì s'ò lu parchì è lu cornu
D'una dignità ricusata

Cresci immensa la Chjama-Focu
In sta lingua di quandu mai
Di u senza dritti nè locu
Ch'un vol'più cuntà li so guai!

Era eiu lu « parchì micca? »
Rinatu in la me diffarenza
Oghji, a me morti v'inzirica

A me lingua si faci immensa!